

Odluka o imenovanju članova Nezavisnog odbora za selekciju i nadzor iz Zakona o unutrašnjim poslovima Federacije Bosne i Hercegovine

Koristeći se ovlaštenjima koja su mi povjerena u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada Visoki predstavnik to ocijeni neophodnim, u rješavanju svih problema koji se pojave u vezi sa implementacijom civilnog dijela Mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada to ocijeni neophodnim", o određenim pitanjima, uključujući i (prema tački (c) stava XI.2) mjere kojima se osigurava implementacija Mirovnog sporazuma na cijeloj teritoriji Bosne i Hercegovine i njenih entiteta;"

Imajući u vidu član 1(1) Aneksa 11. Općeg okvirnog sporazuma za mir u Bosni i Hercegovini prema kojem će strane "na područjima pod njihovom jurisdikcijom svim osobama osigurati bezopasnu i sigurnu okolinu time što će održavati organe za provođenje zakona koji će djelovati u skladu sa međunarodno priznatim standardima";

Podsjećajući da je u članu 25. *Zakona o unutrašnjim poslovima Federacije Bosne i Hercegovine*, predviđeno imenovanje Nezavisnog odbora za selekciju i nadzor od strane Predstavničkog doma Parlamenta Federacije Bosne i Hercegovine, čiji je zadatak da, između ostalog, upravlja procesom selekcije direktora administracije Ministarstva unutrašnjih poslova Federacije Bosne i Hercegovine;

Podsjećajući takođe da je u članu 42. *Zakona o unutrašnjim poslovima Federacije Bosne i Hercegovine*, predviđeno imenovanje Nezavisnog odbora za selekciju i nadzor od strane Predstavničkog doma Parlamenta Federacije Bosne i Hercegovine, čiji je zadatak da, između ostalog, upravlja procesom selekcije direktora policije u Ministarstvu unutrašnjih poslova Federacije Bosne i Hercegovine;

Imajući u vidu da Predstavnički dom do danas nije izvršio imenovanje navedenog odbora;

Svjestan štetnih posljedica daljeg kašnjenja sa osnivanjem odbora, uključujući i rizik da se ugrozi mogućnost da Misija Ujedinjenih naroda u Bosni i Hercegovini dodijeli Ministarstvu unutrašnjih poslova Federacije BiH akreditaciju.

Imajući na umu navedena pitanja u cjelini, Visoki predstavnik donosi slijedeću odluku koja stupa na snagu odmah:

ODLUKA

o imenovanju članova Nezavisnog odbora za selekciju i nadzor iz Zakona o unutrašnjim poslovima Federacije Bosne i Hercegovine

Za članove Nezavisnog odbora za selekciju i nadzor iz Zakona o unutrašnjim poslovima Federacije Bosne i Hercegovine imenuju se osobe čija imena slijede u daljem tekstu. Ovaj odbor se smatra odgovarajuće imenovanim odborom iz čl. 25. i 42. Zakona o unutrašnjim poslovima Federacije Bosne i Hercegovine, koji je zadužen za, između ostalog, selekciju direktora policije i direktora administracije Ministarstva unutrašnjih poslova Federacije Bosne i Hercegovine:

*g. Kemal Begović
Dr Bajro Golić
g. Mensur Hadžimusić
g. Zoran Čegar
g. Dragoljub Tomic*

*g. Đorđe Mišeljić
gđa Olivija Tešević*

Ova odluka stupa odmah na snagu i odmah će se objaviti u "Službenim novinama Federacije Bosne i Hercegovine".

Sarajevo, 6. oktobar 2002.

Paddy Ashdown

Visoki predstavnik